

Dumonda Gartmann-Albin concernent la creaziun d'in post spezialisà per disturbis dal spectrum autistic (DSA)

Sa referind a l'incumbensa Gartmann-Albin concernent la creaziun d'in post spezialisà sco er d'in center da cumpetenzza per disturbis dal spectrum autistic (DSA) dal zercladur 2023 ha la Regenza respundì l'avust 2023, ch'ella saja pronta d'examinar – en il rom da las incaricas da prestaziun vertentas – sch'i saja inditgà da far adattaziuns concepziunalas u territorialas en la purschida per scolaras e scolars cun DSA. Er è la Regenza stada pronta d'examinar – en vista ad in eventual augment dal dumber da personas creschidas cun DSA – l'extensiun da la purschida existenta sco er in'extensiun orientada al basegn da las purschidas e dals servetschs a favur d'umans cun DSA e da crear – en il rom d'ina analisa dal basegn – in post spezialisà per disturbis dal spectrum autistic cun il focus sin uffants e giuvenils.

Las sutsegnadras ed ils sutsegnaders drizzan ussa las suandantas dumondas a la Regenza:

1. Quantas personas cun ina diagnosa da DSA vivan en noss chantun e co è la repartiziun tranter las personas creschidas ed ils giuvenils ed uffants?
2. Han ins constatà ils ultims onns in augment da las diagnosas da DSA tar ils uffants?
3. Tge resultats ha l'examinaziun concernent las adattaziuns concepziunalas u territorialas purtà?
4. Co sa preschenta l'analisa dal basegn per crear in post spezialisà per disturbis dal spectrum autistic cun il focus sin uffants e giuvenils e fin cura pon ins eventualmain quintar cun la realisaziun dal post spezialisà?

Cuira, ils 30 d'avust 2025

Gartmann-Albin, Loepfe, Kaiser, Atanes, Bachmann, Bardill, Baselgia, Bavier, Biert, Bischof, Bisculm Jörg, Bluvol, Cahenzli-Philipp, Casale, Cola, Danuser (Cazas), Das, Dietrich, Furger, Hoch, Hofmann, Holzinger-Loretz, Horrer, Jochum, Kreiliger, Mazzetta, Müller, Nicolay, Preisig, Righetti, Roffler, Rusch Nigg, Rutishauser, Schläpfer, Spagnolatti, von Ballmoos, Zaugg-Ettlin, Zindel